

Medina
AD GENITES /3

INTERVENTUS... DE ACTIVITATE MISSIONALI ECCLESIAE d. 11 oct., 1965

Marcus McGrath, c.s.c., Ep. S. Jacobi Veraguensis in Panama

Schema propositum certe laudandum est et gratias agimus membris Commissionis pro sua sollertia et industria in nova compositione textus.

Maximus valor hujus schematis est fundamentum doctrinale quod sternit pro omni activitate missionali Ecclesiae. Si omnis actio pastoralis Ecclesiae debet fundari in visione theologica suae missionis divinitus data, imprimis hoc valet pro activitate missionali Ecclesiae.

Liceat mihi adhuc aliqua forsitan utilia ad hanc visionem afferre.

Primum, de numero 7. "Rationes et necessitas missionalis activitatis" modo quasi apologetico exponuntur, vel satis apologiam spaiunt, praesertim propter expressiones in lineis a 3 ad 5, et a 31 ad 34. Puto has lineas supprimi posse sine ullo detimento textui. Propositum Patris missionis universalis salvificae Ecclesiae jam satis et doctrinaliter affirmatur in reliquis lineis; nec deest necessaria allusio ad salvationem illorum qui Ecclesiam ignorant, in lineis a 5 ad 7.

PATRIMONIO UC

Sunt autem aliqua quae deficiunt in doctrinali expositione primi capituli; quod statim appareat ex comparatione cum Constitutione Lumen Gentium. Magna vis illius Constitutionis de Ecclesia habetur in hoc quod post initialem considerationem mysterii Ecclesiae in Deo Trino absconditi et nobis revelati, immediate de Populo Dei sermo est, in quo simili gratia omnes congregati vel congregandi sunt, ut deinde specialis sermo fiat de diversis muneribus membrorum in Ecclesia--episcoporum, scilicet, presbyterorum, laicorum et religiosorum. Similis ordo esset hic sequendus, sub aspectu praeciso missionis sive activitatis missionalis ecclesiae. In textu autem, post optimas considerationes Trinitarias, sermo fit sub numeris 5 et 6 de activitate missionali Ecclesiae a Christo missae, simul et permixtum tractans de omnibus membris Ecclesiae, sine distinctione inter eorum munera. Propter hanc imprecisionem doctrinalem oriuntur confusiones in reliquis capitibus, necnon nonnullae repetitiones ubicumque notiones adhuc impreciseae de membris necessario describi debent.

En aliqua exempla:

1. Quia non clare ex initio appareat vitam missionarium Ecclesiae esse propriam totius populi Dei, ut optime notavit Emmus. Cardinalis Alfrink, exinde in toto schemate impressio habetur hanc activitatem missionalem ab episcopis dirigendam esse tantum sive sacerdotibus sive religiosis deputatam, cum aliquo mere accidental i adjutorio laicorum. In capite V, sub numero 39, varia quae dicuntur de missionali officio laicorum in concreto, meo humili judicio, exinde videntur quasi accidentaliter dici; non autem procedere de ipsa constitutione missionum. Forsitan hoc accidit quia de laico tantum ut apostolo individuali sermo est, de laico nempe ut nec sacerdote nec religioso, non autem de laico in contextu ejus familiae et totius communitatis laicorum ex multis familiis compositac*i.e.*, de ipsa communitate Ecclesiae, signum caritatis, cum etiam in missionibus laici majorem partem constituunt;

2. In eodem capite 5 commendationes practicae fiunt diversis membris ecclesiae (episcopis, sacerdotibus, religiosis et laicis) in favorem missionum. Ad hoc faciendum redactores debuissent in illo loco

fundamenta doctrinalia diversitatis membrorum supplere, ob ejus defectum in primo capite ei magis proprio, ex quo oritur confusio valorum: majora cum minoribus permixtum tractantur, doctrina fundamentalis missionis Ecclesiae, nempe, cum particularibus et concretis commendationibus.

3. De episcopis, multae sunt referentiae, inadaequatus autem est eorum conceptus in schemate. Novimus ex Constitutionibus De Ecclesia et De Sacra Liturgia, et ex Decreto adhuc promulgando De pastorali episcoporum munere in Ecclesia, hierarchicam esse constitutionem Ecclesiac, sive de Ecclesia universalis sive de Ecclesia particulari fiat sermo. "In Episcopis, quibus presbyteri assistunt," ait Constitutio Lumen Gentium, "adest in medio credentium Dominus Jesus Christus, Pontifex Summus." (cp. III, no. 21). Hacc sacramentalis et vicaria praesentia Christi in Ecclesiac per episcopos in initio, suo loco, declaranda esset, ut basis omnis sacramentalis actionis: sine qua, dicit ipsamet Constitutio, nulla est legitima praedicatio fidei neque celebratio eucharistiae, et ex qua pendet ordinata actio missionalis omnium christifidelium. Liceat adnotare ex hac doctrina appareret, quare praeses uniuscujusque Ecclesiae particularis: sive diocesos, sive praefecturae, sive praclatura, sive missionis vocetur: debet episcopus esse et non tantum jurisdictione episcopali pollere. De facto praxis Ecclesiac in id tendit ut praeses Ecclesiae missionalis sint in episcopali dignitate constituti, contra innovationes sacculo decimo sexto ortas ob rationes praecepsim ordinis politici (cf. pagina 23, a l. 15 ad 19 nostri schematis). Omnino commendanda est haec tendentia; cuius ratio autem non satis appareret nisi munus sacramentale episcopis in Ecclesia clarius declareretur in textu. Presbyteri in missionibus, hoc sensu sacramentalis unitatis in episcopis imbuti, non singillatim nec solitarii agere debent sed communi actione sacerdotali presbyterii, ut providi cooperatores episcopi, et patres cum illo familiae Domini. Unitae activitatis missionalii etiam religiosorum et laicorum, tum liturgica cum apostolice, exinde facilius construitur.

4. De universalis regimine Ecclesiae a collegio episcoporum sub Romano Pontifice exercito, praecolla doctrina denuo ab hoc Concilio in lucem posita, mentio fit in textu (praecepsim p. 21, l. 32-37, et p. 25, l. 16-25), sed non ponitur suo loco in expositione doctrinali ut basis structuralis non tantum constitutionis hierarchicae Ecclesiae sed etiam ejus activitatis missionalis.

Neminem fugit tamen quantum momentum haec doctrina habeat pro communi nostrae actioni in favorem Ecclesiae universalis. Nonne propter illam sententiam canonicam ultimis saeculis diffusam juxta quam episcopus non erat nisi sacerdos cum missione canonica regendi aliquam particularem Ecclesiam, totaque vis uniuscujusque episcopi in aedificationem suac dumtaxat diocesos tendebat? Hujusmodi opinio nunc autem nullomodo sustineri potest. Episcopus fit per sacramentum; et qua talis constituitur membrum Corporis seu collegii episcopalium, sub Romano Pontifice, sollicitus omnium Ecclesiarum per se antequam pro uni particulari ecclesiae missionem juridicam accipiat. Sic patet omnes episcopi solidarios esse cum Summo Pontifice et sub ejus directione, universalis missionis Ecclesiae in toto orbe terrarum.

Nolo taedere vos, Venerabiles Patres, nimia insistentia in his quae omnes bene novimus. Sed quantum incrementum activitatis missionalis ecclesiae debemus expectare in futurum ex hoc spiritu collegiali nuper renovato in Ecclesia. Signa temporum perscrutantes, ultimi Summi Pontifices verbis et gestis evocaverunt actionem magis unitam

catholicorum per orbem diffusorum in hac aetate nostra quando mundus magis ac magis in unum reducitur, physice sicutem per media communicationis, et per crescentem interdependentiam omnium nationum. Hac unitate experti et profundius imbuti post quattuor sessiones hujus providentialis Concilii, episcopi scimus verum sensum internationalem seu catholicum promovere in omnibus Ecclesiae membris; praesertim in activitate ejus missionaris; nobis praecipue munus est, exemplum sequentes praeclari missionarii Papae Pauli VI, feliciter regnantis.

Dixi. Gratias.

